

Odgovori na najčešće postavljena pitanja:

P: Kada će se održati opći izbori za 2010. godinu?

O: Centralna izborna komisija Bosne i Hercegovine je raspisala izbore 05. maja i oni će se održati u nedjelju, 03. oktobra ove godine.

P: Nakon objavljivanja izbora, koliko imam vremena da se prijavim za glasanje?

O: Krajnji rok za registraciju za izbore je 19.juli.2010. godine do 24,00 sata. Na osnovu ranijih iskustava, najveći broj zahtjeva stiže u mjesecu julu te s toga preporučujemo da se prijavite što ranije.

P: Glasao/la sam na posljednjim općinskim izborima 2008. godine. Da li se trebam prijaviti za opće izbore 2010 godine.

O. Da. Osobe koje su glasale na posljednjim općinskim izborima 2008. godine će u toku mjeseca maja na kućnu adresu dobiti formular PRP-2. Da bi se registrovali za izbore 2010. godine, potrebno je da:

1. Odmah obavjestite Centralnu izbornu komisiju BiH ukoliko Vam se promjenila adresa stanovanja u SAD-u nakon općinskih izbora 2008-e godine. Vašu novu adresu trebate na PRP-2 obrascu vratiti Centralnoj izbornoj komisiji putem emaila na adresu ppprijava@izbori.ba, putem faksa na broj 011-387-33-251-333 i 011-387-33-251-334 in putem pošte na adresu:

Izbori u Bosni i Hercegovini
Poštanski pretinac 451
71000 Sarajevo
Bosna i Hercegovina

2. Popunite i potpišete (sa datumom) obrazac PRP-2 koji ćete dobiti na Vašu kućnu adresu u toku mjeseca maja. Ako PRP- 2 ne stigne na Vašu adresu (npr. promjenila Vam se adresa u SAD-u u protekle dvije godine, a niste obavjestili CIK o promjeni adrese), postupate kao da se prvi put prijavljujete i trebate ispuniti obrazac PRP-1.

3. Kopirate važeću CIPS-ovu ličnu kartu (kopirati obje stranice).

Ukoliko nemate CIPS-ovu ličnu kartu, potrebno je da dostavite kopiju važećeg američkog dokumenta (npr. važeći pasoš SAD-a, vozačku dozvolu ili izbjeglički karton - kopirati obje strane ako se radi o vozačkoj dozvoli, odnosno stranice sa slikom ako se radi o pasošu ili izbjegličkom kartonu).

4. Poslati sve obrasce i dokumenta putem emaila (skenirano) ili faksa. Ukoliko šaljete dokumenta emailom, potrebno ih je poslati na adresu ppprijava@izbori.ba. Ovi fajlovi ne smiju biti veći od 1MB. Ukoliko su fajlovi veći od 1MB, potrebno je da ih pošaljete odvojeno. U subjektu vašeg emaila ćete naznačiti Vaše ime i prezime. Ukoliko šaljete dokumenta putem faksa, potrebno je ista poslati na broj 011-387-33-251-333 ili

011-387-33-251-334. Da bi vaša dokumenta bila vidljiva, molimo da budu skenirana ili faksirana u omjeru 1:1. Obrasce i dokumenta možete poslati i putem pošte na adresu:

Izbori u Bosni i Hercegovini
Poštanski pretinac 451
71000 Sarajevo
Bosna i Hercegovina

P: Nisam glasao/la na Općinskim izborima 2008 godine ali želim glasati na Općim izborima 2010 godine. Šta je potrebno da uradim da bih se prijavio/la?

O: Potrebno je da popunite obrazac PRP-1 i dostavite potrebna dokumenta. Za više informacija o popunjavanju obrasca PRP-1 i potrebnim dokumentima, pogledati ispod.

P: Na obrascu PRP-1 postoji pitanje vezano za moj status u kojem boravim izvan BiH. Kako da znam da li sam na privremenom boravku izvan BiH ili u statusu izbjeglog lica.

O: Generalno, ukoliko imate važeću CIPS-ovu ličnu kartu BiH (izdatu nakon 2004. godine), prijavljujete se da privremeno boravite izvan BiH. Međutim, ukoliko želite glasati u općini u kojoj ste bili prijavljeni 1991.godine ili kasnije, prijavljuje te se kao izbjeglo lice iz BiH i osim kopije CIPS-ove lične karte, dostavljate i kopiju stare lične karte koja potvrđuje Vaše prebivalište u tom periodu.

Ukoliko nemate važeću CIPS-ovu ličnu kartu (izdatu nakon 2004. godine), prijavljujete se u statusu izbjeglog lica iz BiH.

P: Nisam glasao/la na izborima 2008. godine ali posjedujem važeću CIPS-ovu ličnu kartu BiH (izdatu nakon 2004. godine). Šta mi je potrebno da bih se registrovao/la da glasam na izborima 2010. godine?

Da bi se registrovali za opće izbore 2010. godine, potrebno je da:

1. Popunite i potpišete (sa datumom) formular PRP-1, Vaš status je "privremeni boravak izvan BiH". Međutim, ukoliko želite glasati u općini u kojoj ste bili prijavljeni 1991.godine ili kasnije, prijavljuje te se kao "izbjeglo lice iz BiH"
2. Kopirate važeću CIPS-ovu ličnu kartu (kopirati obje stranice).

NAPOMENA: Ukoliko se prijavljujete kao "izbjeglo lice iz BiH" (jer želite glasati u općini u kojoj ste bili prijavljeni 1991.godine ili kasnije), osim kopije važeće CIPS-ove lične karte, dostavljate i kopiju stare lične karte ili potvrdu o prebivalištu koja potvrđuje Vaše prebivalište u datom periodu.

3. Poslati sve gore navedene obrasce i dokumenta putem emaila (skenirano) ili faksa. Ukoliko šaljete dokumenta emailom, potrebno ih je poslati na adresu ppprijava@izbori.ba. Ovi fajlovi ne smiju biti veći od 1MB. Ukoliko su fajlovi veći od 1MB, potrebno je da ih pošaljete odvojeno. U subjektu vašeg emaila ćete naznačiti Vaše ime i prezime. Ukoliko šaljete dokumenta putem faksa, potrebno je ista poslati na broj

011-387-33-251-333 ili 011-387-33-251-334. Da bi vaša dokumenta bila vidljiva, molimo da budu skenirana ili faksirana u omjeru 1:1. Obrasce i dokumenta možete poslati i putem pošte na adresu:

Izbori u Bosni i Hercegovini
Poštanski pretinac 451
71000 Sarajevo
Bosna i Hercegovina

P: Nemam važeću CIPS-ovu ličnu kartu BiH (izdatu nakon 2004 godine). Šta mi je potrebno da bih se registrovao/la da glasam na izborima 2010 godine?

O: Osobe koje nemaju važeću CIPS-ovu ličnu kartu (izdatu nakon 2004) na formularu PRP-1 se izjašnjavaju da imaju status "izbjeglog lica iz BiH". Da bi se registrovali za izbore 2010 godine, potrebno je da:

1. Popunite i potpišete (sa datumom) formular PRP-1, Vaš status je "izbjeglo lice iz BiH".
2. Dostavite kopiju važećeg američkog dokumenta (npr. važeći pasoš SAD-a, vozačku dozvolu ili izbjeglički karton - kopirati obje strane ako se radi o vozačkoj dozvoli, odnosno stranice sa slikom ako se radi o pasošu ili izbjegličkom kartonu).
3. Dostavite kopiju važećeg BiH pasoša. Ukoliko nemate važeći BiH pasoš, potrebno je dostaviti uvjerenje o državljanstvu (ne starije od 6 mjeseci),
4. Dostavite kopiju stare lične karte i potvrdu o prebivalištu u BiH.

NAPOMENA: Ukoliko ne posjedujete staru ličnu kartu godine niti potvrdu o prebivalištu, bit ćete upisani u birački spisak ukoliko Vas Centralna izborna komisija BiH pronađe u popisu stanovništva iz 1991 godine.

5. Poslati sve gore navedene obrasce i dokumenta putem emaila (skenirano) ili faksa. Ukoliko šaljete dokumenta emailom, potrebno ih je poslati na adresu pprijava@izbori.ba. Ovi fajlovi ne smiju biti veći od 1MB. Ukoliko su fajlovi veći od 1MB, potrebno je da ih pošaljete odvojeno. U subjektu vašeg emaila ćete naznačiti Vaše ime i prezime. Ukoliko šaljete dokumenta putem faksa, potrebno je ista poslati na broj 011-387-33-251-333 ili 011-387-33-251-334. Da bi vaša dokumenta bila vidljiva, molimo da budu skenirana ili faksirana u omjeru 1:1. Obrasce i dokumenta možete poslati i putem pošte na adresu:

Izbori u Bosni i Hercegovini
Poštanski pretinac 451
71000 Sarajevo
Bosna i Hercegovina

P: Promjenio/la sam prebivalište u Bosni i Hercegovini nakon 1991. godine. Da li treba da naznačim općinu prebivališta iz 1991. godine ili općinu u kojoj imam trenutno prebivalište?

O: Imate 3 opcije i možete birati hoćete li glasati za:

- 1) općinu trenutnog prebivališta u BiH
- 2) općinu u kojoj ste imali prebavilište prema popisu iz 1991. godine ili
- 3) za općinu u kojoj ste prebivali između popisa 1991. godine do momenta sticanja statusa izbjeglog lica u BiH.

Napomena: Morate dokazati prebivalište iz datog perioda dostavljanjem kopija lične karte ili potvrde o boravku. Ukoliko ne posjedujete staru ličnu kartu godine niti potvrdu o prebivalištu, bit ćete upisani u birački spisak ukoliko Vas Centralna izborna komisija BiH pronađe u popisu stanovništva iz 1991. godine.

P: Kada pošaljem sva dokumenta za prijavu za glasanje na izborima 2010 godine, kako mogu provjeriti da li sam uspješno registrovan/a?

O: Sve osobe koje pošalju prijavu putem e-maila dobit će odgovor u vezi sa prijavom (da li je kompletna i sl.).

Osobe koje dostave prijavu putem pošte, emaila ili faksa a ne dobijaju povratnu informaciju, mogu se informirati o statusu prijave na sljedeće brojeve telefona: 011-387-33-251-331 i 011-387-33-251-332, putem e-maila na adresu info@izbori.ba ili provjerom na web stranici www.izbori.ba tako što ćete izabrati opciju: "Da li ste registrovani". Potrebno je upisati vaše ime, prezime i Jedinstveni matični broj (JMB) i kliknuti na "Pošalji". Takođe, na web stranici www.izbori.ba, pod sekcijom "registracija birača iz inostranstva" pogledati link "status Vaše prijave" (link će biti uspostavljen nakon primanja prvih zahtjeva za registraciju).

P: Prijavljujem se za glasanje za Brčko Distrikt BiH. Šta moram uraditi da bi mi prijava bila validna?

O: Morate se izjasniti o entitetskom državljanstvu. Dakle, morate naznačiti da li imate entitetsko državljanstvo FBiH ili RS.

P: Koliko dugo traje proces registracije, odnosno kada mogu očekivati da će moj zahtjev biti procesuiran?

O: U prosjeku do 7 radnih dana.

P: Da li mogu glasati u jednom od diplomatsko-konzularnih predstavništava (DKP) BiH u SAD-u?

O: Da. Ukoliko želite lično glasati u prostorijama Ambasade BiH u Washington D.C. ili u prostorijama Generalnog konzulata BiH u Chicago, potrebno je da naznačite ovu opciju u formularu PRP-1. U slučaju malog broja registrovanih za glasanje u prostorijama DKP BiH, bit ćete obavješteni da glasate putem pošte.

P: Može li više osoba u jednoj koverti poslati više prijava?

O: Više prijave za izbore se mogu slati u jednoj koverti. Međutim, glasački materijal se mora slati odvojeno za svaku osobu koja glasa.

P: Ko snosi troškove slanja prijava za glazanje?

O: Troškove slanja snose isključivo lica koja podnose prijave.

P: Da li je potrebno fotokopirana dokumenta ovjeravati kod notara?

O: Ne, kopije Vaših dokumenta nije potrebno ovjeravati kod notara.

P: Koji su najčešći razlozi da prijava za glasanje nebude ispravna?

O: Na osnovu prijašnjih iskustava, najčešći razlozi koji prijavu čine nevažaćom su:

- Niste naveli adresu u inostranstvu na koju treba poslati glasački materijal.
- Niste označili Vaš status izvan BiH ("izbjeglo lice iz BiH" ili "privremeni boravak izvan BiH").
- Vaš obrazac nije potpisan.
- Datum važenja dokumenata je istekao. U trenutku slanja, Vaša dokumenta moraju biti sa važećim datumom (zadnji dan važećeg dokumenta može biti i dan slanja prijave ali ne poslije toga).
- Kopirana dokumenta moraju biti čitljiva, a slika mora biti vidljiva, o čemu treba voditi računa prilikom skeniranja i kopiranja dokumenata (u omjeru 1:1).
- Niste dostavili kopije dokumenata u prilogu obrasca

P: Da li se za glasanje mogu prijaviti osobe koje će napuniti 18. godina na dan izbora, a žive izvan BiH i nemaju prijavljeno prebivalište niti se nalaze na popisu stanovništva 1991. godine?

O: Ne, ako nemaju prijavljeno prebivalište u BiH tj. ako nemaju ličnu kartu BiH, ove osobe se nemogu prijaviti za glasanje na općim izborima 2010. godine.

P: Imam dodatnih pitanja koja nisu odgovorena u ovom tekstu, kome da se obratim?

O: Za sva dodatna pitanja i pojašnjenja, potrebno je kontaktirati Centralnu izbornu komisiju putem telefona na broj 011-33-251-300 ili putem emaila na adresu info@izbori.ba.